

SILAJDŽIĆ PRIMIO DELIĆA

Armija Vladin prioritet

— Vlada čini sve što je u njenoj moći da bi Armija kao stub odbrane imala svu podršku neophodnu za uspješno vođenje borbe, rekao je premijer Silajdžić

SARAJEVO, 13. JANUARA (BH PRESS) — Predsjednik Vlade Republike/Federacije Bosne i Hercegovine dr Haris Silajdžić primio je danas komandanta Generalštaba Armije RBiH armijskog generala Rasima Delića.

Sastanku su prisustvovali ministar energetike i industrije Faruk Smalbegović i zamjenik ministra odbrane Muhamed Lemeš.

U toku razgovora razmatrano je više pitanja značajnih za odbranu zemlje i dalje jačanje Armije RBiH.

Posebna pažnja posvećena je obezbjeđivanju još efikasnije logističke podrške Armiji RBiH, izvršavanju propisa o vojnoj obavezi, rješavanju egzistencijalnih pitanja porodica boraca, te daljem unapređenju saradnje i djelovanja civilnih i vojnih organa.

General Delić je istakao da je Vlada dala značajan doprinos razvoju i jačanju Armije RBiH, koja je naročito u protekloj godini, solidno opremljena materijalno-tehničkim i drugim sredstvima neophodnim za uspješnu borbu protiv agresora. To se vidi i po izvanrednim rezultatima koje Armija RBiH postiže u oslobađanju zemlje, naglasio je komandant Generalštaba Armije RBiH armijski general Rasim Delić.

Premijer Silajdžić je informisao generala Delića o Vladinom programu mjera ekonomske politike za 1995. godinu, koji je, prioritarno, u funkciji odbrane Bosne i Hercegovine.

— Vlada zaista čini sve što je u njenoj moći da bi Armija RBiH, kao stub odbrane, imala logističku i drugu podršku neophodnu za uspješno izvođenje borbenih zadataka. To što vi pozitivno cijenite efekte do sada poduzetih mjera, za Vladu je važan indikator da nastavi i intenzivira svoje aktivnosti na planu odbrane — rekao je premijer Silajdžić.

KLJUJIĆ PRIMIO POSAVCE

Peticija protiv koridora

SARAJEVO, 13. JANUARA (BH-PRESS) — Član Predsjedništva Republike Bosne i Hercegovine Stjepan Kljuić primio je danas delegaciju Vijeća Sabora bosanske Posavine, Udruženja građana Dervente i Bosansko Brodsko, te Udruženje Sjeveroistočne Bosne koju je predvodio Rifat Mulabegović.

Razgovarano je o mogućim političkim implikacijama u vezi sa rješavanjem položaja bosanske Posavine u okviru predstojećih razgovora s kontakt-grupom.

Delegacija je upozнала Kljuića sa nepodijeljenim stavom stanovništva sa područja bosanske Posavine koji glasi da oni neće dozviliti da i jedan pedal njihove zemlje pripadne nekom drugom.

Istaknuto je da Posavina pripada samo Posavcima koji su tamo živjeli i misle živjeti i da samim tim ona pripada i Bosni i Hercegovini kao jedinjoj državi.

Ljubijankić primio Lasića

SARAJEVO, 14. JANUARA (BH-PRESS) — Ministar vanjskih poslova u Vladi BiH dr Irfan Ljubijankić primio je na njegov zahtjev otpravnik poslovne Veleposlanstva Republike Hrvatske u Bosni i Hercegovini gospodina Miru Lasića.

Gospodin Lasić je ministru Ljubijankiću uručio AIDE MEMOIRE, obavijest o odluci Republike Hrvatske da se Unproforu nakon 31. marta 1995. godine ne produži mandat. Snage Unprofora na području Republike Hrvatske dužne su se povući najkasnije do 1. jula ove godine.

Odluku je u pismu upućenom generalnom sekretaru Ujedinjenih nacija Butrosu Galijuu saopštio predsjednik Republike Hrvatske dr Franjo Tuđman, na osnovu dvije prethodno usvojene rezolucije u hrvatskom parlamentu.

MORISON KOD MURATOVIĆA

Pomoć uspostavi Federacije

SARAJEVO, 13. JANUARA (BH-PRESS) — Ministar u Vladi Bosne i Hercegovine Hasan Muratović, razgovarao je danas sa zamjenikom direktora za tranziciju inicijativu Agencije za

SPECIJALNE JEDINICE



Kemo Ademović i Vahid Karavelić

Priznanje "Lasti" i "Bosni"

Komandni kadar i pripadnike specijalnih jedinica policije MUP-a RBiH i CSB-a Sarajev: — «Bosnu» i «Lastu» — juče su zajedno obišli predstavnici Prvog korpusa Armije BiH i rukovodstva Ministarstva unutrašnjih poslova predvođeni komandantom Vahidom Karavelićem i pomoćnikom ministra za poslove i zadatke policije Omerom Stambolićem. Povod posjete bila je razmjena iskustava između dva segmenta oružanih snaga Bosne i Hercegovine koja su, nakon trogodišnje agresije, kako je istaknuto, stasale u respektabilnu vojnu silu sposobnu da s uspjehom izvede i operacije strateškog nivoa.

Jedinice specijalne policije «Bosna» i «Lasta» dale su izuzetno doprinos u odbrani glavnog grada Bosne i Hercegovine, odnosno zoni odgovornosti Prvog korpusa, ali i drugih dijelova naše zemlje pri čemu su uz ona koja su već imali, stekli nova iskustva i znanja koja će kroz edukaciju ovih komandanata i specijalaca podići borbenu gotovost specijalnih jedinica i u policiji i u Armiji na još viši nivo.

Specijalcima i komandnom kadru «Bosne» i «Laste» odati su priznanje za njihove nedavne borbene uspjehe na Bjelašnici, Igmanu i dijelu Ilijaško-vareškog ratišta, a goste su u ime svojih jedinica pozdravili Kemal Ademović, komandant «Bosne» i Rusmir Mrković, komandant «Laste».

međunarodni razvoj Sjedinjenih Američkih Država Stivenom Morisonom koji vodi tim u centralnoj Bosni za pomoć u uspostavi funkcioniranja Federacije BiH.

Izmjerljena su mišljenja o misiji ovog tima i mogućim dometima njegove pomoći BiH, posebno o sredstvima kojima je SAD donirala BiH.

Ovaj tim je već na terenu u centralnoj Bosni, sa sjedištem u Zenici.

INTERKONTINENTALNI KUP U FUDBALU

Trijumf Danske

Pobjednik Interkontinentalnog kupu u fudbalu održanom u Rijadu je eki-

pa Danske koja je u finalnom meču savladala reprezentaciju Argentine sa 2:0, golovima Brajana Laudrupa, iz današterca Rasmusena.

Fudbaleri Danske sasvim zasluženo osvojili su titulu. U finalnom meču bili su ubjedljiviji od Argentinaca koji su na momente igrali i prgavo, često u duelima koristeći i laktove pa je tako u posljednjem minutu meča iz igre isključen argentinski fudbaler Šamot zbog udaranja loptom protivničkog igrača.

Utakmica za treće mjesto između Meksika i Nigerije u regularnom toku avršena je neriješeno 1:1. Gol za Meksiko postigao je Ramirez, a izjednačio je Amokači. Prilikom izvođenja penala Meksikanci su bili spretniji i pobjedili sa 5:4.

Š. D.



TELEVIZIJA ROSNE I HERCEGOVINE

- 9.00 – JUžnoAMERIČKI PLESovi – EP PARIZ '94, 1. dio
- 9.30 – DNEVNIK I, repriza
- 10.10 – PROGRAM ZA DJECU
- 11.10 – VIJESTI
- 11.20 – KOMPOZITNI MATERIJALI, 2. dio
- 11.50 – KOMPOZITNI MATERIJALI, 3. dio
- 12.15 – PROLJEĆE U BEČU, muzički program

- 12.45 – RAT ART, kolažni pogram, repriza
 - 14.05 – SPORTSKO POPODNE:
 - PREGLED INTERKONTINENTALNOG KUPA U FUDBALU
 - KICBIL: SVJETSKI KUP U SKIJANJU: spust, (M)
 - ENGLEBERG: SKIJAŠKI SKOKOVI, 90 m
 - Vijesti u 16.00
 - 19.00 – CRTANI FILM
 - 19.20 – EPP
 - 19.30 – DNEVNIK I
 - 20.10 – SNAGA BOSNE, informativni program
 - 21.10 – MANEKENKE PJEVAJU, muzički program
 - 21.30 – FUDBAL: PRVENSTVO ŠPANIJE: DEPORTIVO - REAL MADRID, prijenos
 - oko 22.15 – DNEVNIK II
 - 23.15 – NEMORALNA PONUDA, američki igrani film
- Televizija BiH zadržava pravo izmjene programa.

BRISEL

Zabrinutost zbog mobilizacije novinara

BRISEL, 13. JANUARA (ONASA) — Međunarodna federacija novinara (IFJ) i Međunarodna federacija novinskih izdavača izrazili su zabrinutost zbog mobilizacije četiri novinara nezavisne sarajevske radio-stanice «Zid» u redove Armije BiH.

«U ime IFJ, izražavamo zabrinutost zbog mobilizacije zamjenika direktora, glavnog i odgovornog urednika, urednika programa i urednika zabavnog programa ove radio-stanice», kaže se u pismu kojeg su ministru obrazovanja, nauke, kulture i sporta u Vladi BiH Enesu Kariću uputili Timoti Golding i Ejdin Vajt, predstavnici ovih organizacija.

U pismu se navodi da je ovaj postupak protiv odluke sarajevskih vlasti da je Radio «Zid» institucija od posebnog društvenog značaja, kojoj su odobrena u toku rata 32 radna mjesta (radne obaveze), kako bi stanica mogla raditi.

«IFJ vjeruje da je ovim postupkom ugrožena budućnost ove radio-stanice. Ukoliko se ništa ne poduzme, zajednica nezavisnih medija u Sarajevu biće ugrožena», stoji u pismu.

Na kraju pisma IFJ izražava nadu da će Vlada BiH učiniti sve kako bi zaštitila rad nezavisnih medija, «jer oni igraju ključnu ulogu u uspostavi demokracije».

Ovo pismo upućeno je i predsjedniku Predsjedništva Republike BiH, specijalnom izvještaču za ljudska prava u UN Tadeušu Mozavjećkom, Nezavisnoj uniji profesionalnih novinara BiH, Savezu novinara BiH i Međunarodnoj asocijaciji za slobodu izražavanja.

SAOPŠTENJE PREDSEDNIŠTVA SAVEZA NOVINARA BIH

Neprihvatljive metode suspenzije novinara

SARAJEVO, 13. JANUARA (BH PRES) — Predsjedništvo Saveza novinara Bosne i Hercegovine iznenadeno je načinom suspendiranja novinara Radio-televizije BiH Raske Denjaljić, Mladena Paunovića i Mladena Bošnjaka, kaže se u saopštenju Saveza novinara BiH i Sindikata novinara BiH.

Na današnjoj sjednici tog Saveza odlučeno je da predstavnici Saveza i Sindikata novinara obave razgovore sa rukovodstvom, redakcijama i sindikalnim organizacijama RTV BiH o zaštiti profesionalnog digniteta novinara, odnosno, u konkretnom slučaju, o neprihvatljivim metodama suspenzije novinara.

Obavještenje za Žepižake

Inicijativni odbor Jedinjene organizacije boraca BiH Unije veterana opštine Žepa obavješta da će se osnivačka skupština Unije održati u nedjelju u 11 časova u amfiteatru Skupštine oćine Centar.

OSLOBODENJE

ONASA

NOVINSKA AGENCIJA SARAJEVO
444-237, 444-607



SALON LJEPOTE

M & CD

Šabić

SARAJEVO, MIS IRBINA 26
Tel.: 444-445

DIREKTOR: Saiko HASANEFENDIĆ
PREDSEDNIK UPRAVNOG ODBORA: Emir HRUSTANOVIĆ
GLAVNI I ODGOVORNI UREDNIK: Mehmed HALILOVIĆ
UREDUJE RATNI KOLEGI: zamjenik glavnog urednika Emir HABUL, Desk Mugdim GALIJAŠEVIĆ, Slobodan STAJIĆ, Politika i privreda Rasim ČERIMAGIĆ, Kultura Nada SALOM, Sarajevska kronika Muhamed DŽEMIDŽIĆ, Sport Tomo POČANIĆ, Tehnička redakcija Omer KARAMOVIĆ, Izdanje za Evropu Mirko ŠAGOLJ.

Prvi broj «Oslobodenja» štampan je 30. avgusta 1943. godine u Donjoj Trnovi. «Oslobodenje» je 1963. godine ukazom predsjednika Tita odlikovano Ordenom bratstva i jedinstva sa zlatnim vijencem, a 1978. godine dodijeljena mu je Nagrada ZAVNOBiH-a.

Odlukom Novinarske konferencije «Slobodne Dalmacije» «Oslob. denje» je 1989. godine proglašeno za najbolji dnevni list u tadašnjoj Jugoslaviji; u ratnoj 1992. godini «Oslobodenje» je u Velikoj Britaniji proglašeno za list godine u svijetu; u Skandinaviji je dobilo Nagradu «šobde» vodećih dnevnika Dagens

Nyheter i Politiken); dodijeljena mu je nagrada Oskar Romero katoličke fondacije The Rothko Chapel, Hjuston, Teksas, «za izuzetnu ordanost istini i slobodi»; zatim Nagrada za dostignuća u novinarstvu agencije Inter Press i Service «za održavanje u životu tradicija nezavisnosti, objektivnosti i hrabrosti u izvještavanju pod najtežim uslovima»; Nagrada fondacije Alfons Komin u Barceloni «za zajednički rad novinara različitih nacionalnosti u službi slobode i mira»; Nagrada Kluba evropskih rektora «za borbu protiv ksenofobije» i Nagrada za ljudska prava «Saharov».

List registrovan kod Ministarstva informacija RBiH pod brojem 532/81 196603-6137. Adresa: «Oslobodenje», Džemala Bijedića 185, Sarajevo, TELEFONI: Redakcija 442-404 tel/fax 442-403; DESK 460-982 (fax). Poštanski pregradak 686. AGENCIJA «OSLOBODENJA» tel/fax 444-607.

PRODAJA: 465-727, Žiro-račun 10100-603-6137 SDK Sarajevo.

Štampa: Grafičko-izdavačka kuća OKO DD sa p.o. Sarajevo

Cijena: 20 BHD za Sarajevo, 0,25 DEM u BHD za ostala mjesta.